

## **Yozgi mavsumga tayyorgarlik avjida**

Samarqand viloyatida bolalar oromgohlarini yozgi dam olish mavsumiga tayyorlash jarayonida sogʻlomlashtirish maskanlari faoliyatini yanada yaxshilash, ularning moddiy-texnik bazasini mustahkamlash, oromgohlarga-avvalo, kam taʼminlangan, koʻp bolali oilalar farzandlarini, Mehribonlik uylari tarbiyalanuvchilarini jalb etish yuzasidan keng koʻlamli chora-tadbirlar amalga oshirilmoqda.

Samarqand viloyat hokimi va viloyat Kasaba uyushmalari tashkilotlari birlashmasi Kengashi rayosatining Qoʻshma qaroriga hamda “Sogʻlom ona va bola yili” Davlat dasturi ijrosini taʼminlash maqsadida, joriy yilning yozgi sogʻlomlashtirish mavsumini namunali tashkil etish va oʻtkazish yuzasidan “Samarqandtrans markazi” tasarrufidagi “Doʻstlik” bolalar sogʻlomlashtirish oromgohini tayyorlash boʻyicha mukammal chora-tadbirlar rejasi ishlab chiqilib, ushbu reja asosida ishlar olib borilmoqda.

Jumladan, ushbu oromgohda 2016-yilgi dam olish mavsumida jami 300 ta avtotransportchilarning farzandlari hamda Samarqand shahridagi mehribonlik uyi tarbiyalanuvchilarining 40 nafari homiylik asosida dam olishlari koʻzda tutilgan. Bu oromgohda taʼtilni yuqori saviyada oʻtkazish maqsadida, dam olish mobaynida mehnat, media, intellektual va sport oʻyinlari, turli sport musobaqalari, maʼnaviy-maʼrifiy tadbirlar tashkil etilib, taniqli adiblar, sanʼatkorlar va mashhur sportchilar ishtirokida suhbat, uchrashuv va festivallar oʻtkazish koʻzda tutilgan.